

## **Mir sind die sibe Zwergli**

Mir sind die sibe Zwergli  
und schlafed tuf im Bergli,  
jetz gömer gleitig hei,  
s Schneewittli isch ganz elei.

Tripp, trapp, tripp, trapp, tripp, trapp,  
froh laufed mir bergab,  
eis hinderem andere dry,  
mer sind hüt flyssig gsi.

Am Himel glänzed d Sternli,  
de Wäg zündt öis s Laterndli,  
de Wald isch müüslitill,  
wil ales schlaafe will.

Guet Nacht, guet Nacht ir Häsli,  
mit öirne Stumpelnäsli,  
ir Vögeli und Reh.  
Adie, uf Widerseh.

Tugg, tugg, tugg, tugg, tugg,  
Schneewittli, miir sind zugg.  
Mach pittli s Tüürli uuf,  
mer wartet ali druuf.

"Gott grüezi, liebi Zwergli,  
sind ihr scho daa vom Bergli?  
So mached öi paraad,  
i bring öi s Süpli graad."

Gschwind sitzed al as Tischli,  
mit frische, froe Gsichtli  
und wartet u f de Znacht,  
was hätt s Schneewittli gmacht?

